



CONVOCATORIA

P'URHÉPECHA



PREMIO ESTATAL DE LAS ARTES

# 24 ERÉNDIRA



¡PARTICIPA!

Consulta las bases en:  
[cultura.michoacan.gob.mx](http://cultura.michoacan.gob.mx)

Fecha límite | **7 julio**

SECRE  
SISTEMA ESTATAL DE CREADORES

MICHOACÁN ES  
MEJOR

MICHOACÁN  
CULTURA  
VIVA

## **22°. MICHOAKANI ANAPU JANHANHARHPERAKUA ERENDIRA P'IMARHETPERAKUA 2026**

### **INCHAJPEKUA**

1. Xarhatakua.
2. P'imarhetperakua turhi jimpo.
3. Kunkorhekua enka erankuerani jauakua ampe.
4. Juramukua enka sésirani jauaka.
5. Michoakani anapu antaricha Erendira 2005-2025.
6. P'imarhetperakua P'urhépecha jimpo.
7. P'imarhetperakua Mazahua jimpo.
8. P'imarhetperakua Otomí jimpo.
9. P'imarhetperakua Náhuatl jimpo.

### **INCHAJPEKUA**

Michoakani Ocampu anapu juramukua, enka mántaka Kúncorhekuani enka erankuni jauaka íni p'imarhetperani "Erendirani" enka Secretaría de Cultura Michoakani anapuerika, eska na arhijka juramukuarhu enka uaxastakata jaka i antaperakua ka p'imarhetperakua "Eréndira" Michoakani anapu, enka Periódico Oficili Michoakani de Ocampurhu karanhapka, 22 febreru 2008 jurhiatekua, ka ístu enka karakata jaka juramukuarhu 2 artikururhu enka arhini jaka eska úkorheaka i antaperakua, septiembre 2008 jimpo, arhisinti eska mántani uéxurhini úkorheaka, ka eska erakunhantaaka nanakecha ka tatakecha enka sési ka kánekua xarhatajka Michoakani anapu úkuechani Méjiku o ma parhakpeni, karakatechani, uarhakuechani, eranharhikuechani, uarhakuechani, k'umanhekua tsintsikuechani, kústakua ka kurhaakua ka úkata úkuechani.

I antaperakua "Eréndira" úati eskaksí íámentuecha májkueni jatsiaka erakunhantani, jimposí jatsiati eskaksí nanakecha sánteru erakunhantaaka íni antaperakuarhu, imani jimpo eskaksí sánteru nanakecha xarhataaka íni anataperakuarhu, ka sánteru nanaka Michoakani anapuecha erakunhantani íni antaperakuarhu.

### Ísi jimpo, p'imarhexati:

K'umanchekua jurhentperakuechani, universidadi ka máteru k'umanchekua jurhentperakuechani, ka k'umanchekua enka karantanka jurhenkuani, ka mámaru jarhati kúnkorhekuechani ka ísku jurhentichani jorhentpekuarhu anapuecha, úkata úrichani ka kúnkorhekuechani , ka ístu municipio anapuechani, ireta p'urheechani, ka imechani enkaksí juramukorhejka. P'imariaxakaksí eskaksí erakuntaaka nemani, nenka sési jauaka íntsínhant'ani ini janhanharhperatani jimpoka sési áncekorhejka úkata ampe úani, uarhani o kustani ampe eska na arhijka arini p'imarhperata jimpo:

### PÍTSEKUECHA:

- **Ma.** "Erendira" Michoakani anapu antaperakua imaksí erakunhantaati enka jantiojku, kúnkorhekuecha enkaksí, karakatechani, uarhakuechani, eranharhikuechani, k'umanchekua tsíntsikuechani, kústakua ka kurhaakua ka úkata úkuechani áncekorhejka.
- **Tsimani.** "Erendira" antaperakua ma xanharkusí antaati ne enka o ne enkaksí antani uéraaka.
- **Tanimu.** Ima o imaecha enkaksí antani uéraaka, jatsiati eska Michoakani antajpenuriuaka, o eska Michoakani ireriuaka témpeni uéxurhini iásí jamaperi.
- **T'amu.** Enka jantiojku antariuaka ima jatsiati tsimani ekuatse ka tempeni uéxurhini ka sánteru jatirini.
- **Iumu.** Enka jantiojku o kúnkorhekua erakunhantaaka eska xarhataaka ka eska úaka uinhajtsítani eska tempeni iumu uéxurhini ka sánteru áncekorheskia. Ísi jimpo jatsiati xarhatani áncekorheta, digitalijimpo ampe enka áncekorheka, hemerografía, audiovisuali, fonografía ka grafico arhikatecha enka no sánteru k'éaka eska 60MB.
- **Kuimu.** Ampe enka antari xarhataaka "Erendira" antakueri, ima áncekorheta jatsiati eska iretarhu, Michoakani, Méjiku o ma parhakpeni mítekorhekateuaka.

<sup>1</sup> Entendiendo por entidades de la Administración pública a todas aquellas entidades del sector público que se encargan de prestar servicios, obras, y realizar actividades socioeconómicas de interés público. Las entidades de la Administración pública pueden pertenecer a la administración pública centralizada, descentralizada y paraestatal. Todas las entidades que se encuentren en están facultadas para realizar postulaciones al Consejo Técnico del Premio Estatal de las Artes Eréndira. Por lo anterior, no se recibirán postulaciones del Poder Legislativo, ni del Poder Judicial.

- **lumu tsimani.** Táchani antaricha tanimu ampe antanhaati: Karakata ma enka Michoakani anapu juramuti kuirunharhikuaka, uékajchakua ampakiti ma, ka jarhoajperata ma \$300,000.00 (Témpeni kuimu ekuatse mili 00/100 Mejiku anapu tumina).

- **lumu tanimu.** I ánychekorhetichaksí uájti erakunhantani enka mámaru jási ánychekorheta xarhataaka, ka eska tataka ka nanaka májkueni erakunhaaka:

**Karakua**

**Eranharhikua ka kurhaakua**

**Eranharhikua**

**Xarhatakua**

**Uarhakua**

**K´umanchekua tsíntsíkua**

**Kústakua ka mámaru kurhaakua**

**Iretarhu anapu úkatecha** (úkatecha ka iretarhu anapu úkatecha enka no ixu karata jaka)

- **lumu T´amu.** Enkaksí karhakua karakata jaka, k´érati tsíntsíkuechести enkaksí jima pítsejka mámaru jarhati ánychekorhetecha ka mámaru jarhati úkuecha.

- **Témpeni.** lámentu ts´imani enkaksí xáni erakunhant´aaka pari íni janhanharhperatani p´irani, ixuksí karanhant´aati <http://enlinea.secum.michoacan.gob.mx>, ka jimintu jatsinharhikuni iámentu síranta ampe eska na kurhak´uarhijka sési karakata ini p´imerhperata jimpo.

- **Témpeni ka ma.** No jiókanhaati imani enka jantiojku karakorheaka. Úati karanhani ima ne enka erakunhantaaka ixu <http://enlinea.secum.michoacan.gob.mx>, úati karanhani ts´ima enka jinteka urhejtsíkuri kúnkorhekua o k´umanchekua juramukuecheri enka erakuntani jaka.

- **Témpeni ka tsimani.** Secretaría de Cultura de Michoakani anapu, urhejtsíkuricha, sanitku sani kétésekua urhejtsíkuricha, ka enka ini antaperakueri ampe exeni páni jarhajka, nóksí úati nemani karani, o eskaksí ima karanhaaka, jimpokaksí imaksísi úni jati íni antaperakuani.

- **Témpeni ka tanimu.** lámentu ts´imani enkaksí xáni erakunhant´aaka pari íni janhanharhperatani p´irani, ixuksí karanhaati <http://enlinea.secum.michoacan.gob.mx>, jiáni uératini enka i karakata uénaaka etsakurhini ka jimani jameri inte martesí iumu tsimani jurhia julio jimpo 2026, jima játini tanimu atakuarhu jamperi, jimpoka i jurhiatekua ka i jantora míkorheati kararap´ekua.

- **Témpeni ka t'amu.** Kúnkorhekua enka íni antaperakuani "Erendira" erankuni jauaka, enkaksí xáni karakorheaka antaperakuarhu jatsiatiksí ma ekuatse ka témpeni k'uiripuecha karanhani enkaksí imecheri ánekua mítekateuaka. Enkaksí xáni karakata jauaka, erakunhantaatiksí notario japantiru, iumu tanimu k'uiripuecha májkueni tataka ka nanakecha eska na karaka jaka, ka sési erarenhantani jurhimpekua jimpo, kúnkurhekua erakuntaati néksísi antari Michoakani anapu "Erendira" antaperakuani.
- **Témpeni ka iumu.** Xarhatanhaati néchanksí íntsínhantaa janhanharhperata "Erendira" ima jurhiatikua iumu t'amu jurhia agosto jimpo 2026, jima xarhatanhaati inteni internet jimpo jimini juramukuarhu Gobierno Michoacán anapu jimpo: <http://michocan.gob.mx> ka istu jima Secretaría de Cultura: <http://cultura.michoacan.gob.mx> ka <http://enlinea.secum.michoacan.gob.mx>.
- **Témpeni ka kuimu.** Kúnkorhekua enka erankuni jauaka íni antaperakuani, úati kéntitani imani enka no ísí úni jauaka eska íxu na arhijka "Erendira" antaperakua karakatarhu enka uaxastakata jaka artíkulu 2 sírantarhu.
- **Témpeni ka iumu tsimani.** Nóksí úati erakunhani juramuticha, ni ánekorhericha Secretaría de Cultura íamu Méjiku anapu, ni máteru secretaria anapuecha, nijtu Michoakani anapu institutoecha orhejsípiticha.
- **Témpeni ka iumu tanimu.** Nóksí úati erakunhantani íni antapetarhu kúnkorheanapuechani enkaksí antaperakuani erankuni jauaka, ni imecha enkaksí exeni jauaka né antariski máteru uéxurhini anapuecha, na uéjki urhetki kéntikuni. K'óruksí úati máteru antaperakuarhu jimpo karanhani.
- **Témpeni ka iumu t'amu.** Ima enkaksí erakunhaaka ka nóksí jatsini íámentu ampe enka i antaperakuarhu kurhajkorheni jaka, kéntitanhaatiksí.
- **Ma ekuatse.** Na enka kúnkorhekua antaperakueri uantaaka, no únhaati mójtakunhani.
- **Ma ekuatse ka ma.** Ampe enka íni p'imarhetperakuarhu no erankueraaka, kúnkorhekueri "Erendira" Michoakani anapu, sési péntaati.

- **Ma ekuatse ka tsimani.** Enka antakua intsperanhantaaka, Michoakani anapu juramuti intspentaati, imani jurhiatekua ka jantora enka xarhatanhaaka enka niáraní jauakia.
- **Ma ekuatse ka tanimu.** Uantanhasínti ixu eska kaxumpikua jukaparhaska, jimposí no tekamenhantaati no sési páp'erakua, atap'erakua, no sési arhikua o no sési kámpekua o no xenchani k'uiripuni. Jimpo, no úati karanhani ima k'uiripu enka tsantpikunhaka o kantspejka, ka ts'imajtu enka némani tsijpaaka oksí nanakeechani ka uarhitiechani no sési kámauaka, ka nojtuksí úati inchaparhakuni ini p'imarhperata jimpo ts'ima **enjkaksí no t'arhexerauaka uajpa sapichuechani.**
- **Ma ekuatse ka t'amu.** Michoakani anapu "Erendira" antaperakuani jinteejti míntakua imani k'uiripuechani enjkaksí mijkukuarika erhanhikua ampe p'itani ini echeri Michoakani anapu, istu xarhatasínti imani kaxumpikua enjka jinteeka ampakiti jukaparakua k'uiripuecheri enjkaksí mamarhu ampe ujkujka jurhimpikua panhasínti jarhoajpikua iretarhu anapu. Jimposí imaecha k'uiripuecha enjkaksí jatsika sésikua paraksí erhakuni antarini uatiksí iamintu ampe exeni najtuka iauni nitamaka antakuarhu uati petanhantani ka inskuatiksí intskuni sésikua imani k'uiripuni enjka chuxapani jauaka, ma uantakua enjka intspiaka tankuarikua Comisioni Dictaminadora isí exeaka.

## **Ampe enka uétarheaka nemani interneti jimpo karani:**

Enka nema uékaka íni antaperakuarhu karakorheni, jatsiati eska nema Universidadadi Jurhenkorhekua o máteru jurhentperakua o k'éri jurhentperakua ma, kúnkorhekua o jurhenti ma, úkata úrichaeri tánkorhekua karaaka, o municipio ma , o Michoakani anapu juramukua ma, o ireta p'urhepecha ma o ireta enka juramukorheni jaka karaaka. Úati jarhoatanhani ima orhejtsikutichanku enkaksí uékani jauaka sési janhaskani ka ixeni ne na sési karantani k'uripuni éнка ts'íma erakuka ka únksí sánteru sési míteni, ka no uati uantakua kurhajkuarhini ts'íma énkaksí erakunhantaaka ka karakuarhitini jarhani jimpoka no nema jarhoatanhaati sánteru sési míteni.

Ima kúnkorhekua, juramukua enka uékani jauaka nemani erakuntani ka peraani eska ima erakunhantaaka, jatsiati interneti jimpo karani iXu <http://enlinea.secum.michoacan.gob.mx> karhatani íápu ísí enka síranta kurhajkorheni jauaka ka xarhatakua eska ísíska eska íónisi ímani ampe ánchekorhekia, jatíoju o kúnkorhekua ma jinkuni enka erakunhantani jaka.

lámentu enkaksí xáni erakukata pakaraaka jatsiati internetirhu karanhaani karakata PDF jimpo ka exeni eska no nitamaaka 5MB sánteru k'úetsaperani.

**1. Karakata enka arhini jauaka eska ima k'uiripu erakunhantaxaka, kúnkorhekua, juramukuarhu ma, k'umanchekua jurhentperakua, ísí eska na arhijka p'imarhetperakua karakateri. Jatsiatiksí sánteru kúparhatani eska uinhajtsitaaka imani enkaksí erakuntani jaka.**

**2. Antajpenukueri karakata. Jimajkani enjka néma no iXu anapueka Michoakani jatsijti paraka karákata inchaataka enjka arhikuarijka "Constancia Residensieri" enjka instpintajka jurhamuti municipiurhu anapu. No jukaparaati materu jasí karákata.**

<sup>2</sup> Entidades de la Administración pública jintesti íámu ts'íma dependencia del sector público arhikata éнка niatajka anchekorheni mámaru ampe, sési jantskani, ireteri anchikorhekua -turhisí jimpo prestar servicio, obras, actividades socioeconómicas de interés público-. Ts'ími Administración pública úatiksí jima anapueni administración pública centralizada, descentralizada ka paraestatal. lámentu ts'ímicha úatiksí karaani k'uiripuni éнка sésikua jatsika íntsinhani ari janhanharhperakua jima karant'ani Consejo Técnico del Premio Estatal de las Artes Eréndira. Ka isí jimpo, juramukua Poder Legislativo no úati karaani, nijtu Poder Judicial.

**3. P'itakata ainpikua k'uiripuechaeri "identificacioni vigenti" arhikata enjka utasí marhoajka.**

**4. Constancia Única Registru de Poblasinirhu anapu (CURP) arhikata.**

**5. Curriculum vitae,** enka arhiaka nani ireskaski, correo electroniku ka miukua uantajpetarakua ima enka erakunhantani jaka, o kúnkorhekueri urhejtsíkuri enka erakunhantani jaka.


**6. Karakata enka arhiaka antisí ima erakunhantani jaki,** antisí jimpo ima kéjpanhani jaki eska erakunhantaaka tanimu siranta karakatarhu.

**7. Siranta erakuntskata ka siranta enka uinhajtsítaaka, kurhaakua ka exekua áncekorheta, kurhajkua, p'itakata, enka úajka xarhatani ka uinhajtsítani eska ima jatsíska enka erakunhantaaka** (ima ampe no jatsiati 60MB sánteru k'uetsapeni). Enkajtsí uékaaka kúntani internetirhu anapu enka ma uáka sánteru exeni ka uinhajtsítani áncekorheta, istu uakajtsí jarhoakurini formatuni jinkoni PDF sési p'itakata íamu atantskuechani xarhatapani.

**8. Karakata enka arhiaka eska nóma ampe ch'kuantirakueska,** eska uantaaka ima enka erakunhantani jaka eska íámentu ampe ísíska, xarhatakua ka sirantecha, ka eska íntspexaka eskaksí uáka terukutantani enka ampe jimpo k'uaniska, kúnkorhekua antaperakuecheri "Erendira" jimpo ka ístu imani enkaksí uinhajtsítaaka.

**9. Karákata enjka jurhimpikua jimpo uántajka,** enka arhijka eska ima k'uiriru o kúnkorhekua enka erakunhantani jaka eska imaksí jíókorhexaka eska peranhaaka imani antaperakuarhu, ka eska ima mítetini jauaka enka ampe no antaaska, nóma jatsisti ampe uantani jarhani. Enka ampe kúnkorhekua meuaka imecheri urhejtsíkuri úati ima mítetini jarhani, karakata jimpo, o eska íámentu k'uiripuecha enkaksí xáni kúnkorhekuarhu jamka eskaksí uantaaka eskaksí ima peraaxaka nemani enka urhejtsíkukuauaka, i karakata jarhiati kúntanhani.

**10. Karákata enjka jurhimpikua jimpo uántajka, enka arhijka eska ima k'uípiru o kúnkorhekua enka erakunhantani jaka eska imaksí jíókorhexaka eska peranhaaka imani antaperakuarhu, eska sésikua jatsika paraka inchatimukua jamani antaperhakuarhu ka istu paraka p'iuaka antakua, ka istu mitiparini eska jaiapanhintaaka enjka no antaaka ka no jamani inchatimini jimpoka no mojtakuriaka uantakua. Jimajkani imaechari kunkuarikuecha enjkaksí inchatimukua ini antaperhakuarhu, jatsijtiksi paraksí karákata ma inchaatani enjka uantaaka eska sésikuaksí kamasinka jurhimpiti xanharhakuarhu eska na jinteeka (karta constitutiva o majkuni jasí karákata), jimajkani isí uáti inchaatani imani karákata enjkaksí iamintuecha jatsinharikuarhu iamintuechari firma arikata eskaksí xani jamka imaechari kunkuarikuarhu.**



## WÉTARHISĪNTI MÍTENI

a) Enka ima enka karakuarhika antapiaka arini íntsĩmperakuani, ima kúnkuarhikua enka inchamutaaka siranteechani juánkucheatits'ĩ ixu íámintu karakateechani ísĩ ka xáni éski na axaapka imani plataforma jimpo.

b) Ima kúnkuarhikua enka erakupka imani k'uiripuni ka incharani antaperakuarhu, karakata jimpo uantaati ne jinteua enkakĩ uantajpani jauaka ka míterarani jarhani arini antaperakueeri ampe. Jima no úati jatsinhani ima erakukateeri k'umanchikua anapuecha níjtu máteru k'uiripu enka no imani kunkwarhikwarhu anapueuaka ima enka erakuka ka inchamutaka arini intsĩnperakwarhu. Énka no ísiuaka kéntitanhaati inte karakuarhikua.

### Na enka karakorhekueuaka.

Enka nema karakorheska interneti jimpo, ima axamenhantaati karakata enka arhini jauaka eska karanhatixaka, enka na íámentu ampe intspenhantatini jauakakia.

### Enka ampe uékaaka sánteru míteni ixu:

#### SISTEMA ESTATAL DE CREADORES/PREMIO ESTATAL DE LAS ARTES "ERÉNDIRA"

Xanharhu Santos Degollado No. 723, segundo piso, esquinani jinkoni Blvd. Agustín Arriaga Rivera, Colonia Nueva Chapultepec, C.P. 58260, Morelia, Michoakani. Uantajperhakua: 443 3241318, lunisĩ a biernesĩ jurhiakuecha jimpo 09:30 a 15:30 atakuarhu jimpo.

O ixu karani : premioerendira.michoacan@gmail.com, secreasecum@gmail.com

Ixujtsĩ uáka exeni íni karakata p'imarhetperata.

<https://cultura.michoacan.gob.mx> y <http://enlinea.secum.michoacan.gob.mx>

**Morelia, Michoacán, México, mayo de 2026.**

- Revisión y actualización de la traducción al Púrhepecha a cargo de **Alicia Mateo Manzo.**

## CONSEJO TÉCNICO

**Mtra. Tamara Sosa Alanís**  
Secretaria de Cultura de Michoacán

**Mtra. Cinthya Ileri Vargas Cervantes**  
Directora de Vinculación e Integración Cultural

**Mtra. Ivonne Solano Chávez**  
Jefa del Departamento del Sistema Estatal de Creadores

**M. en D. Mario Alberto Ceja Morales**  
Enlace Jurídico en la Secretaría de Cultura

**Mtra. María Olga Arias Sánchez**  
Representante de Música y Arte Sonoro

**Dr. Gabriel Medrano de Luna**  
Representante de Artes Tradicionales

**Mtro. José Ángel Pahuamba Velázquez**  
Representante de Artes Visuales

**Mtra. Hayde Lachino**  
Representante de Danza

**Mtra. Erandini Catalina Alvarado Villegas**  
Representante de Teatro

**Mtro. Édgar Omar Avilés Martínez**  
Representante de Literatura

**Mtra. Sunya Itzia Madrigal Álvarez Ugena**  
Representante de Medios Audiovisuales

**Dra. Claudia Margarita García Paulín**  
Representante de Arquitectura

### **Na enka patsatanhaaka jakankurhikueri ampe**

Secretaria Cultureri Michoacani anapu, Departamentuni Sistema Michoacani úrichani ka kararichani míntaasti, eska úpirinka ka eska kuápirinka iámentu ampe enka nema intspentaaka, jakankurhikua, o nani enka antajpenuka eska ima patsataaka.

Enka nema uékaka úrani imani juramukua, eska no máteru ampe úranhaaka, o eska no patsanhaaka, úati karani ka arhijpeni na enka ima uékaaka, correo interneti jimpo kurhajkorheni [informacionpublicasecum@gmail.com](mailto:informacionpublicasecum@gmail.com) o nitsikorheni jima oficinaru Secretaria Culturaerirhu, enka Boulevard García de León No. 753, Chapultepec Sur, C.P. 58260, Morelia, Michoacani jaka, lunesĩ uératini ka viernes jamperi 9:00 xarhentku ka 15:00 pmxatini jamperi. Enka xáni tánanhaaka k'uiripuecheri jakankurhikua ampe k'uajchakunhaati ka antaperakuerhu kúntanhaati "Erendira" antaperakuarhu enka Secretaria Culturaeri Michoacani anapu úraaka antaperakuarhu, ka ima úranhaati enka karakatarhu arhini jaka, ka no máteru ampe úranhaati, Instituto Michoacano Transparenciaueri o Acceso informacioni Publica ka Proteccioni Datosi Personali, exentani jauati Poder Ejecutivo Michoacani Anapu eska ísí úranhaaka eska na arhini jaka.

**Enkaksī xāni antarini Erendira antaperakuarhu Michoakani  
anapu 2005-2025 jamperi**

**2005**

Domitilo Pancracio Alonso Espinosa - Música y Arte Sonoro +  
Sergio Aridjis Homero Fuentes - Literatura  
Felipe Castañeda Jaramillo - Artes Visuales  
Domingo Lobato Bañales - Música y Arte Sonoro +

**2006**

Francisco Bautista Ramírez - Música y Arte Sonoro  
José de Jesús Carreño Godínez - Música y Arte Sonoro +  
Jesús Escalera Romero - Artes Visuales +

**2007**

Dominique Marie Jonard Giraud - Medios Audiovisuales +  
Emilio Molinero Hurtado - Artes Tradicionales +  
Jorge Reyes Valencia - Música y Arte Sonoro +

**2008**

Gaspar Aguilera Díaz - Literatura +  
Luis Palomares Frías - Artes Visuales  
Saulo Moreno Hernández - Artes Tradicionales +

**2009**

Fernando Mendoza Madrigal - Artes Tradicionales  
Nicolás de la Torre Calderón - Artes Visuales  
Eduardo Montes Arroyo - Música y Arte Sonoro

**2010**

Ana Emilia Pellicer - Artes Visuales +  
Gerónimo Mateo Madrigal - Artes Visuales +  
Coral Moreliana "Ignacio Mier A." A.C. - Música y Arte Sonoro

**2011**

Roberto Briceño Figueras - Teatro +  
Delfino Madrigal Gil - Música y Arte Sonoro  
Juan Nicanor Pascoe Pierce - Artes Tradicionales

**2012**

Julio Granados Asencio - Música y Arte Sonoro +  
Luis Girarte Martínez - Literatura  
Victoriano Salgado Morales - Artes Tradicionales +

**2013**

Juan Pérez Morfín - Música y Arte Sonoro  
Martina Navarro González - Artes Tradicionales  
Francisco Elizalde García- Literatura +

**2014**

Evaristo Galarza Castillo - Música y Arte Sonoro +  
Macedonio Contreras Cuara - Danza  
Emilio López Martínez - Artes Tradicionales +

**2015**

Mario Agustín Gaspar Rodríguez - Artes Tradicionales  
Francisco Miranda Godínez - Literatura +  
José Agapito Tiburcio Secundino Faustino - Música y Arte Sonoro

**2016**

Rita Graciela Morales Chávez - Teatro  
Gloria Angélica Álvarez Rodríguez - Arquitectura  
Abel García López - Artes Tradicionales

**2017**

J. Audón Punzo Ángel - Artes Tradicionales +  
Elsa Cecilia López Escamilla - Artes Visuales  
María Amparo Higuera Juárez - Música y Arte Sonoro +

**2018**

Grupo de Danza del Paloteo - Danza  
Felipe Chávez Cervantes - Literatura  
María Elvia Silva Bartolo - Artes Tradicionales +

**2019**

María Guadalupe García Ríos - Artes Tradicionales  
Fernando Ortiz Rojas - Teatro  
Arturo Estrada Hernández - Artes Visuales

**2020**

Serafín Ivarra Cortés (Serafín Ibarra) - Música y Arte Sonoro  
Manuel Aguilar Magaña - Artes Tradicionales  
José Luis Soto González - Artes Visuales

**2021**

Manuel Valencia Chávez - Artes Tradicionales  
Rafael Flores Correa - Artes Visuales  
Juan Alzate Núñez - Música y Arte Sonoro

**2022**

José Luis Rodríguez Ávalos - Literatura  
José Guadalupe Hernández - Artes Tradicionales  
Enrique Ortega Espino - Artes Visuales

**2023**

Eva Yolanda Sereno Ayala - Artes Tradicionales  
Teresita Sánchez Reyna - Teatro  
Alfonso Villanueva Manzo - Artes Visuales

**2024**

Herlinda Morales Jerónimo-Artes Tradicionales  
Elba Rodríguez Ávalos-Música y Artes Sonoras  
Antonio Cornelio Rendón-Artes Tradicionales

**2025**

Margarita Vázquez Díaz – Literatura  
Uvaldo Ríos Nañez – Música y Arte Sonoro  
Mizraim Gastón Cárdenas Hernández- Artes Visuales



---

PREMIO ESTATAL DE LAS ARTES

# 24 ERÉNDIRA

---

SECRE  
SISTEMA ESTATAL DE CREADORES



MICHOACÁN ES  
MEJOR

MICHOACÁN  
CULTURA  
VIVA

